



MISA CON NENOS

3 de decembro 2023

1º ADVENTOº-B

Evanxeo de Marcos 13, 33-37:

“Estade atentos, vén o Señor”.

Mensaxe: Estade atento,
vén o que te orienta

1. MONICIÓN DE ENTRADA

Irmáns e irmás: Hoxe empezamos a celebrar con toda a Igrexa o tempo Advento, un tempo de renovación, de espera e preparación á vinda de Xesús en Nadal. Ao longo destes catro domingos imos **estar vixiantes**, atentos, cos ollos ben abertos para que non se nos pase inadvertido, sen celebrar o “verdadeiro” Nadal, sen atoparnos con Xesús que vén a nós. A oración nesta semana indicaranos ao que é o Norte das nosas vidas, a Xesús, se estamos en actitude vixiante. Virá o Señor, o Mesías, o Salvador. Preparémonos para acollelo.

SAÚDO DO SACERDOTE: A graza, a paz e o amor do noso Señor Xesucristo, a quen espero, sexa convosco... *(Colocamos nun lugar visible o cartel de Fano titulado “Advento, Xesús oriéntate”. Esta primeira semana poñemos no compás o primeiro punto cardinal, o norte).*

2. A COROA DE ADVENTO: Candeia 1

Monitor: Comezamos o tempo de Advento. Imos prepararnos para o Nadal percorrendo un camiño de catro etapas ou semanas. Cada domingo imos acender un cirio da coroa de Advento. Hoxe as lecturas convidannos a acender a primeira candeia, a da vixilancia, orando. *(Acéndese o cirio 1 mentres se di esta oración).*

Sacerdote: Pai, grazas porque realizas o soño máis desexado polos humanos: vas enviarnos ao mundo o mellor agasallo, o teu Fillo Xesús para salvarnos. Concédenos preparar, coa oración e as obras de amor, a celebración do Nacemento de Xesús.

Ao acender, Señor, esta luz queremos levantarnos para esperarte preparados. Queremos estar espertos e vixiantes, porque Ti tráenos a luz máis clara, a paz máis profunda e a alegría máis verdadeira. Ven, Señor Xesús!

Todos: Ven, Señor Xesús!

3. SÚPLICAS DE PERDÓN

Recoñecemos humildemente os nosos pecados.

-Ti que un día viñeches a nós e naciches de María en Belén. *Señor, ten piedade de nós.*

-Ti que vos prometiches que virás ao final dos tempos para buscarnos para levarnos a vivir contigo. *Cristo, ten piedade de nós.*

-Ti que cada día achégaste a nós en cada persoa que pasa ao noso lado. *Señor, ten piedade de nós*

4. LECTURAS: INTRODUCCIÓN Ao EVANXEO DE MARCOS:

(Antes das lecturas podemos facer a procesión solemne co Leccionario ata o ambón).



Monitor: Hoxe comezamos o Ciclo B. Durante todo un ano o evanxeo dominical tomarémolo do libro de S. Marcos, que era primo de Bernabé e traballou con Paulo e Pedro. Escribiu o 2º evanxeo para cristiáns que procedían do paganismo, seguramente cidadáns romanos, que descoñecían os costumes xudeus e vivían nun clima de persecución. O seu evanxeo, que é o máis curto, foi o primeiro en escribirse (entre os anos 64 e 70).



O evanxeo de Marcos represéntase cun león *alado* porque comeza narrando a Xoán Bautista no deserto, a súa voz é como a dun león ruxinte. Marcos destaca o tema da Paixón, os discípulos e aplica a Xesús unha variedade de títulos.: Fillo do Home, Fillo de David, Cristo, Señor... e sobre todo Fillo de Deus (resalta a divindade de Xesús).

Sacerdote: *Pedímosche, oh Pai bo, que dispoñas o noso corazón á escoita da túa Palabra. Axúdanos a recibila e a gardala no corazón. Axúdanos a cultivala e a facela xerminar. Fainos terreo fértil e rico en boas obras.*

4. ORACIÓN DOS FIEIS

Ao comezar este tempo de advento, unímonos en oración diante túa, Señor, dicindo:

-Ven, que te esperamos, Señor.

1. Queremos ser os teus seguidores, os vixías que avisen da túa chegada á humanidade.

Oremos.

2. Queremos ser persoas de esperanza porque confiamos en ti. ***Oremos.***

3. Queremos neste Advento renovar a nosa vida, acoller a túa Palabra. ***Oremos.***

4. Queremos estar en vela, atentos á túa vinda, orando sempre. ***Oremos.***

5. Queremos descubrirte no rostro do irmán, do que nos necesita. ***Oremos.***

6. Queremos recuperar a ilusión, o compromiso, a fe profunda. ***Oremos.***

7. Queremos abrirte as xanelas da nosa vida, necesitamos o teu aire novo. ***Oremos.***

Señor, que este ano novo relixioso sexa unha oportunidade para redescubrirte máis profundamente e sexas o Deus da nosa vida. Por Xesucristo, o noso Señor.

5. PROCESIÓN DE OFRENDAS

-UNA LLAVE (*debuxar unha chave para cada neno co mango en forma de corazón*): En Nadal o Señor vén á nosa casa, ao noso corazón, por iso regalámoslle a chave para que poida entrar sen ter que chamar.



-CARTEL DE ADVENTO (*cartel de Advento cunha frase*): Comezamos o tempo de advento. Neste cartel queremos ofrecerche unha súplica: “Ven, Señor, Xesús”. Con el queremos expresar o noso desexo de que sigas vindo á nosa vida e nos atopas ben preparados.

-ESPERTADOR: Ao ofrecerche este despertador manifestamos o noso compromiso de estar pendentes da túa chegada, pendentes sobre todo a través da oración persoal, familiar e comunitaria que todos melloramos, nestas catro semanas de advento, en cantidade e calidade. Facemos un compromiso hoxe de coidar en Advento tres cosas: a oración, preparar a campaña de Nadal de Cáritas (cun xesto de compartir) e prepararnos para a celebración penitencial do Nadal.

-PAN E VIÑO: Ofrecémosche Señor, este pan e este viño que se converterán no teu Corpo e o teu Sangue e neles quedaches connosco para sempre.